

言情小說

# 色情秘

上海進步

書局印行



中華民國四年五月初版

小哀歌情祕（全一冊）

每部定價洋二角

必翻有著作權印

編印刷發行

者所所以行

# 分 售 處

中

長沙

北京

常州

華

天津

開封

保定

南昌

書

山西

濟南

書

奉天

杭州

局

武昌

祝耀進步華齡

進上海拋球場兆福里

文上明海步書

中上華海棋盤

書球書書

書棋盤

譯局街場局

豔情小說

情秘提要

耀齡  
華同譯

一意大利伯爵之女與某公子私訂婚約誓死不二伯爵又有一情人之女與其表姪私逃始亂終棄病革回家遺言誤聽李代桃僵某公子致受嫌疑往來頓絕其女因借橡樹傳書旋於樹中得該女奔逃時之別書宛始大白卒譜好合文筆亦曲折達出俊爽倫絕

小靈情  
說情  
情  
秘

耀齡  
華同譯

第一章

一千八百九十年耶。耶穌聖誕前一夕。禮拜堂鐘鳴十下。戶外朔風絕勁。穿隙衝簾而入。著肌如割。注視檻際。雪花飛舞。彌漫長空。下弦月朦朧。東上似怯寒冒冷。遲遲其行者。簷前枯枝。杖桺。燭作白光。乍見如琉璃製就。稍動則擦擊丁。璫效鐵馬鳴觸耳。如碎景象。至蕭颯紗窗正對處。爲鄰家廳事。時見僕婦蹀躞。羣聚盆柏下。點綴花菓金絲圍繞。小傀儡躍躍動知。明宵景物備矣。少選琴音。繞樑隨風。渢渢來入耳。殊清晰。審之。羣兒練習祝誕歌。至足增少年興趣。時余枯坐室中。覺奇凍立移座傍火爐。默念予身世。飄零遭際。偃蹇撫膺浩思不識。那日能吃盃安閒飯。顧予閱世十八載。婀娜年華。恰是奇葩初放現。雖荷科士。

雅夫人不棄錄奉爲女伴然栗碌此身瞬息數寒暑究竟作嫁年年仰人鼻息終非了局噫天誕予貧賤骨管城子無食肉相殆將鬱鬱居此長受他人籬蔭乎思至此不覺淒然淚涔涔滴慕念奮志飛騰上帝何嘗尼人上進計不如來春正月去此而之他別謀所以立身之法苦心人天不負有志者事竟成古人之言不吾欺也予正在幻想出神樂乃奔湊予腦向之汎濶狀貌至此一變爲歡笑猛回首覺科士雅夫人矗立予左輕撫予肩笑容可掬曰可愛之小友嘉棣乎際此佳節鄰里人家咸登歡喜地試問汝將作何消遣度此良宵余率爾答曰冷寂如予固不識所謂興致但夫人欲如何便如何樂與同樂余當表同情也曰是早舍親吉利安伯爵折柬相招訂明晚踵渠府第作竟夕歡敍云老身諾之意欲挈汝同往何如余首肯

屆期科士雅夫人攜予行車驛馬蕭瞬息即至見伯爵倚戶恭迎殷殷垂問予等鞠躬作答伯爵者皓髮而朱顏體幹雄偉雖春秋已富而器宇昂藏舉措豐

鑠。不。亞。少。壯。既。入。室。賓。客。盈。庭。香。露。撲。鼻。珠。光。鬢。影。與。電。俱。輝。猛。聞。鼓。掌。雷。動。  
歡。聲。滿。室。琴。韻。笙。歌。洋。洋。盈。耳。少。選。樂。止。伯。爵。挺。立。人。叢。中。介。紹。予。等。於。家。人。  
戚。友。前。延。座。寒。暄。禮。誼。優。渥。予。運。盡。耳。目。口。鼻。以。供。應。酬。都。不。足。用。祇。覺。耳。聾。  
目。眩。舌。結。鼻。促。左。右。旋。轉。如。癡。人。至。科。夫。人。如。何。予。不。復。能。兼。顧。但。意。其。與。予。  
同。也。既。而。晚。餐。具。矣。山。海。珍。羞。百。花。醇。體。惟然。并。陳。觸。人。都。醉。予。兀。坐。科。夫。人。  
側。陽。飲。飲。食。咸。在。夢。中。食。畢。自。由。散。步。衆。客。各。事。其。事。穿。花。蝶。似。無。此。  
嘉。賓。樂。也。俄。然。鐘。聲。振。耳。主。人。傳。令。作。跳。舞。戲。士。女。結。隊。翩。躚。出。花。團。錦。簇。環。  
珮。鏗。鏘。琴。韻。足。音。節。拍。畢。合。極。盡。少。年。能。事。余。支。頤。旁。坐。倏。覺。一。纖。纖。女。手。按。  
承。臂。急。旋。顧。見。一。風。華。絕。代。之。麗。人。亭。亭。玉。立。碧。眼。蕩。漾。秋。水。盈。盈。赤。髮。低。垂。  
金。絲。縷。縷。肌。膚。皎。潔。冰。雪。讓。其。晶。瑩。體。態。苗。條。桃。李。遜。其。嬌。艷。道。韞。風。流。不。愧。  
大。家。閨。秀。蓋。伯。爵。之。女。公。子。占。利。安。美。麗。也。嫣。然。悄。語。曰。嘉。棣。姑。娘。今。夕。有。緣。  
甚。風。吹。到。此。玉。趾。臨。落。蓬。華。輝。生。矣。敢。請。撥。些。餘。晷。作。促。膝。談。藉。抒。積。憫。儂。寡。

交向未識荆頃由家君介紹得挹芳儀樂且無極不揣猥瑣竊擬屈姑娘爲閨中密友未識能徇儂請不加擯棄否耳余此時已艷其貌復醉其言眴目凝視不少瞬愛也妒也崇拜也渾不自審竟忘置答渠見予啞然且覺予視線畢萃其面乃復笑曰儂面豈有異乎何勞賞鑑煞費精神也予至此驚地驚覺頗然答曰冒瀆無禮唐突西施願曲宥其罪咎雖然塵世間如姑娘之嬌艷奪神者誠不數數覩予虛生十八秋洵此度初睹天孫眼福真不淺耳曰然耶譽之過當令人愧死然儂頃所謂欲屈姑娘爲密友者蓋愛汝溫純忠厚血性之熱遠邁他人遇事必堪寄託儂非皮相者自信所揣爲不虛私衷希冀其許之乎噫嘉棣姑娘乎現在有秘密要事迫欲舉以託卿願無諉予聞言愕然目光益匯其臉面不期然而答曰小姐有所託舉予力能辦到者必幹之無辭渠見予不却色然喜攜予手離跳舞場行時拳拳致詞曰請卽從室左長街小門出弗爲人見出後直趨郊原森林間循谿徑迤邐入深處當見

千年古樹一體幹半枯中空而成穴伸手入探一索必得小絲囊乞秘藏歸而授儂固知囊中別無長物不過有數函件耳願毋訝爲怪異也予復歎然允之美麗緊握予手意殊感激有間復曰儂實迫處此不能自行顧恐稍離此地者將動家人賓客之疑憾獲所養闇葺不肖又復雖靠濃爲此事煞費斟酌不圖姊姊快人三數語間卽季諾鼎助殊令人緜佩弗諉言下歛歔色聲淒愴一俛首淚絲披頰似感極而藉紓奇痛者繼復曰夜深矣玉屑霏霏未識此行怯寒否予答曰否身御羊裘厚盈寸足以自攝請釋念矧是間途徑予頗記憶逕行直至一得卽返當不辱命萬勿鰥鰥過慮也美麗目感甚感甚記須秘別事

慎無令人知歸來時一面直入予寢室隨指示方位曰請置枕邊玉匣中事藏得矣予此際旣爲渠愛力所吸引不知所對慨然曰唯唯五分鐘後予將命往繞道室右入廳事賓客前耳目衆多無庸明以相告但持紅花一朶以示意斯長空翠舞月影稀微予膽豪固無所懼踏雪穿林腐葉沒脰衰草離離掠人衣

袂比近路奇滑幾仆者屢不數武卽深人叢莽中翹首直望果見古橡一株高可拂雲殆千百年遺物樹根空洞廊可容身余卽凝眸四顧見寂無人影卽挽袖探手入內覽有物觸指如綿出視之果爲小絲囊製法極精細予不暇審玩速納懷中迅步返順於庭外採紅花數朵由原門入廻行過客堂時來賓跳舞已罷人人均有倦意正環繞美麗閒坐作長談予撚花微笑示意美麗見之亦粲然相答心電交互託茲解語而座中士女怡怡絕無一人解識此中秘竇也

## 第二章

夜向午賓客次第扶醉歸祇留予輩未行蓋伯爵府第已備下榻處也未睡前科夫人忽耳語予曰嘉棣止吾與汝言余應曰請稍待予旋去卽來乃急足往事殊勞玉趾跋涉儂銘刻心版不知所謝言時聲顫而色恧知渠抱無限苦情不堪掬以示人也繼忽起吻予額曰取此囊時確無人見耶余曰無所見者惟

白雪枯枝蒼松古橡而已渠聞言色略舒與予握手道晚安予察渠精神疲憊未便多言立卽興辭而出往往就科士雅夫人夫人正欹倚貴妃牀上假寐以俟覺予至卽坐起相告曰小友嘉棣汝賦性靈敏而機警善窺人隱予所夙諳刻欲商榷一緊切問題願汝仔細決之言下指最近一椅曰汝且坐聆吾言予卽移座其右夫人乃細語徐徐曰汝知古利安伯爵產業所自來乎其土地之廣博環抱不下數百里巨厦綿廷棟宇相望田疇苑囿極目無垠是皆富貴人家不動產也其餘浮款珍寶統貯銀行計其年息坐收二百萬金有奇亦云富矣然此皆非祖父之貽特其胞兄箇人遺產舉以畀之耳其兄病亟時所立遺囑至奇特中有云若古利安死則此產業全歸姪女美麗承接但須美麗廿五歲前于歸此遺囑始生效力否則原約取消偌大家財均贈遠親和利管業云云老而鰥者終其身無兒女家庭之樂故鍾愛之情全注美麗一身撫之如已出余聞言輒然曰不愧爲奇特囑書也原旨所在夫人能懸揣否曰伯爵之兄固

泊彌留時猶殷殷屬望其青年出閣早獲所天是約也實愛之深故爲策勵之詞者也究不出人老思傳之普通性希望家族蕃衍無宗祧式微之歎而已詎意屈指至今美麗年華已二十有一竟毫無婚嫁意伯爵因此不禁憂心悄悄旣風示此意者比比矣

予問曰美麗小姐何所爲而不嫁曰此問題除美麗個人外恐非他人所能作答也余與伯爵忝屬葭莩親休戚相關未忍嘿爾而息不能不以此事置吾心坎嘉棣乎吾五內焦急計算有日矣此際特與汝磋商知汝必不負吾託嗣後鬻汝時與美麗親藉得渠歡悅激發其適當之情竇解慰其無謂之愁煩務以誘掖法門吸引其及時承受遺產之志意美麗愛汝自能掬肺腑以相示苟能操刀中肯於年內解決婚嫁問題則埒國之富不至墳伯爵後嗣而他徙微特伯爵感激無地卽老身之啣結亦無盡期到那時汝之功德無量逾於興滅繼絕酬庸之價值此生將吃著不盡矣余聽之久心急耳熱迅攏言曰否否是不

能。予。自。信。無。此。能。力。姑。勿。論。予。生。就。薄。福。相。不。敢。妄。希。厚。賚。重。折。吾。福。卽。有。之。  
而。現。在。貧。富。貴。賤。之。界。線。判。若。鴻。溝。何。從。操。篭。心。之。鑰。恣。予。詞。聘。萬。一。話。不。投。  
機。逢。彼。之。怒。是。取。辱。之。道。耳。不。徒。債。伯。爵。家。事。辜。負。了。夫。人。一。番。心。血。耶。夫。人。  
大。笑。曰。多。心。哉。嘉。棣。也。老。身。反。復。思。之。能。膺。此。重。任。者。惟。汝。好。自。爲。之。決。無。礙。  
汝。智。識。特。達。具。應。變。才。迥。非。庸。常。女。子。可。幾。及。但。能。相。時。而。動。見。機。而。作。必。得。  
手。雖。曰。事。成。在。天。而。謀。出。萬。全。者。則。人。定。亦。可。勝。天。爲。人。謀。而。忠。上。帝。福。汝。矣。  
予。聽。至。此。腦。汁。幾。裂。壳。而。出。諾。之。非。是。不。諾。之。亦。非。是。乃。躍。起。盤。旋。室。中。久。久。  
不。敢。應。夫。人。覩。予。面。不。旋。睇。乃。復。曰。居。吾。語。汝。汝。初。訂。交。美。麗。或。未。悉。渠。素。常。  
品。格。與。旨。趣。之。所。趨。向。卽。老。身。亦。未。嘗。揭。檠。以。相。示。其。未。敢。倉。卒。謬。許。也。又。何。  
足。怪。頃。吾。決。意。將。美。麗。男。女。交。際。事。略。示。一。二。供。汝。尋。味。定。能。胸。有。成。竹。縱。橫。  
如意。不。至。再。爲。趨。趕。怯。志。也。

比。來。有。用。情。於。美。麗。者。凡。二。咸。懇。懇。於。求。婚。呂。範。丰。姿。韋。臯。才。調。之。二。者。固。無。

分軒輕有壻。如此亦復不惡。他日者坦腹東牀。牽絲繡幕。以老身思之。二者必居一於此。汝如許任塞修者固不可。不悉其姓氏。吾且舉以示汝。一爲鴉葛子爵美少年也。長短肥瘠適稱體。其溫文俊灑飄飄。欲僊之神態。女兒輩見之。雖不擲菓。亦必鍾情。一卽那文上將偉丈夫也。富齊力優韜略。吾國干城之選。其赳赳桓桓之氣概。不可一世。以吾私意卜之。那文猶強人意。顧其前程萬里。不可限量。初不假先人襲蔭。始能自立耳。雖然美麗殊倔強而不情。竟爾眼底無人落落難合。予曰得無渠別有意中人耶。曰據老身所知。殊未必尋復。細語曰。美麗誠乖僻。不亟亟於二者中。決擇其一。未識具何肺腸。欲得風流快壻耶。則鴉子爵美。且都兩美相遭。自不愧佳人才子。欲得豪傑耶。則衛國英雄武弁。崎嶇顧渠。承此千萬遺產。已自饜足。無須斷斷。注意金錢也。嘻嘉棣。此撮合山殊非汝莫陟。美麗頃間實語。余謂渠至愛汝。嘗有閨密友之約。然乎。予領。

之夫人續曰因此故老身預知汝二人必能肝膽畢照相印以心則契合無間之餘言聽計從亦意中事願汝相機利導俾得早定求凰之計目的達矣予遲遲答曰今與夫人約恣予自由行事不以日月限予許竭盡駑駘以副夫人意夫人起立撫予肩曰善哉善哉固知汝巾幘而鬚眉者能急人急也否則美麗年齡忽忽將逾廿五而好逑未賦已屆標梅富貴繁華恐真奪戶而出則伯爵半條老命將爲渠斷送一副老骨頭當爲渠活葬矣

噫吁嘉棣乎曾亦知伯爵已全心託汝乎予駭曰信託我耶忽遲疑曰予於美麗祇附夫人驥尾結一面緣耳究之兩家羞答答何能遽談婚嫁事科夫人聞予言似厭予贅狀極不耐曰適言已罄胡再絮煩汝果允爲伯爵家謀幸福者盍取決可否權屬汝余弗强也言畢顧予話晚安一回首卽曼聲低唱曰爲子爲孫多累贅無兒無女自神仙謝上帝賜未亡人享茲清福也予邑邑返臥室竟夕莫能成寐蓋頃間事激刺予腦太甚手把悶葫蘆竟無從

參透其中，窺竅因而輾轉反側，心緒無一息寧。一眨眼間，東方已白，急披衣起，而爐火熊熊，逾宿未息。審之，知僕婦早起添薪，予未覺也。盥沐畢，早餐已具。予與主人及科夫人祝早安後，相將入席。除伯爵父女外，賓客有二訊之卽鴉葛子爵那文上將也。食間，予殷然注意二人，覘渠等耳目口鼻心，皆爲獻媚，美麗之具，幾如造化主賦。此五官特爲男女交際用者，不禁曥笑。餐已，伯爵約予等同赴禮拜堂作聖誕紀念禱告，見美麗父子至虔篤，其殷憂所鑄之臉面時，一舒放禮畢，放步苑圃外，瀏覽風景。是日天朗氣清，晴爽宜人，遠黛中積雪未解，輕抹如畫。疎林點滴古柏，挺秀雖冒嚴寒，尙留傲兀態。予等遙瞻近挹，靡不適意。因作竟日遊憇，極而歸時，既夕，照崦嵫紅霞，綯彩炊烟縷縷，乘風繞林際，倦鳥啁啾不已。而伯爵府第已備晚餐，待候矣。席上男女歡盡，羨此日之遊樂也。賓主舉杯，相慶祝，顧此良辰美景，誠足恣人行樂。而鴉葛那二子尤快愉，瓦蓮柔媚，手腕博美，麗歡予旁，矚無疎懈。深悉三人肺腑之不同，覺美麗對二子之感。

情殊無眞際。雖則憨笑流波，天眞爛熳。而目聽眉語，間實強裝。一副假面具，調其中固愁腸百結。味比黃連苦也。

### 第三章

予等居伯爵府，駒光如駛，瞬息一星期。鎮日無事，惟伴美麗與鴉。葛那文二子相過從，或手談，或鼓琴，歌唱極盡人間樂事。然細察美麗之一舉一動，於鴉那二人之愛情，絕無進步所異者。其週旋二者之間，能面面俱圓，無分厚薄。其手段誠不可及。予雖相處未久，然留意偵察，鴉那二人中當以鴉為優。顧其才識超邁，性質敦厚，彬彬然不愧貴胄學界中名士。與美麗相匹偶，可謂得人惜美。麗淡然無眷戀心，令予茫茫如墜十里霧。

某日侵晨，伯爵顧予曰：「嘉棣姑娘明日科士雅夫人賦歸矣。小女自謂摯愛汝，不欲汝隨夫人去。決此後，結爲閨侶，藉慰筭獨蓋渠性好動，不甘枯寂也。未識姑娘同意否？」予聆言喜極，不可言狀。顧予定意明春辭科夫人，而他適自爾夕。

許諾。夫。人。後。正。得。藉。此。機。廁。身。伯。爵。府。順。以。謀。取。此。家。秘。事。之。究。竟。以。解。狐。疑。或。能。憑。此。三。寸。不。爛。舌。裨。補。美。麗。終。身。事。是。此。機。緣。洵。爲。公。私。兩。便。因。鞠。躬。諾。之。伯。爵。見。予。許。可。意。欣。慰。微。笑。而。行。

予。此。後。常。駐。伯。爵。府。興。居。至。適。美。麗。父。子。家。人。咸。曖。予。感。情。日。深。相。見。殊。恨。晚。而。尤。爲。伯。爵。所。倚。信。居。久。之。覺。伯。爵。憂。患。與。日。俱。深。毫。無。生。人。樂。趣。知。其。爲。美。麗。婚。事。如。受。伐。命。之。創。大。可。以。促。其。年。壽。每。於。無。可。奈。何。之。際。輒。咨。嗟。太。息。絮。向。予。言。予。司。空。見。慣。習。成。自。然。知。此。事。大。有。秘。密。也。一。日。伯。爵。愀。然。對。予。曰。嘉。棣。姑。娘。寢。假。小。女。仍。無。婚。嫁。意。則。吾。此。生。坐。鎮。千。萬。金。鏹。之。良。產。廣。廈。將。易。姓。氏。或。且。於。老。拙。死。前。親。見。他。人。入。室。矣。吾。胡。能。忍。然。吾。腦。瘁。而。血。竭。畢。竟。一。籌。莫。展。奈。何。奈。何。姑。娘。慈。善。人。不。一。借。箸。寧。甘。坐。視。不。救。耶。老。夫。嘗。屬。意。鴉。於。小。女。前。作。蘇。張。者。厥。爲。汝。渠。愛。汝。出。諸。心。坎。汝。言。當。有。效。也。予。知。無。可。諉。尤。能。